

آبونه شماره اولی

ممالك عثمانیه ده سته لکی (۶۰)، آتی
آلمی (۳۵) غروشدور.
ممالك اجنبیه ده سته لکی (۱۷)، آتی
آلمی (۹) فرانقندر.

اداره مزانه

باب عالی جاده سنده دائره مخصوصه

انطباعات

آبونه بدلی پشیدر

§

مملکه موافق آثار مع الممنونیه قبول
اولنور. درج ایداله یازیلر اتاده
اولونماز.

الکتاب

۱۳۳۰

دینی، فلسفی، علمی، ادبی هفته لقی مجموعه اسلامییه در.

صاحب و مدیر

باش محرز

ع. اشرف ارباب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

طوبه طوئولقدن آرتق مسلمانلرک پروالری ، قورقورلی ، اندیشه لری همان همان قالمشدر . عالم اسلام ایستر منفرداً ایستر مجتمعا اولسون حقوق مقصوبه لری استرداده صوک قرارلری ویرمک کال عزم و متانتله میدان مجاهدهیه آتیمشدر .

ائتلاف مثلک غلبه سی حالده مسلمانلرک محو و نابود ایدیلجکلری ظنی تحقق ایتشدر . فرانسه ، روسیه ، انگلتره مطبوعاتک تهدیدلری مسلمانلرک بو ظن و ذهابی تصدیق و تأیید ایتیمورمی ؟ ائتلافه قارشو چاریشمقده اولان آلمانیا و آوستریا حکومتلریک مظفریت و غالبیتلری هر مسلمان اعماق قلبندن آرزو و تمنی ایدرک ، بو امنیه نک حصوله سر بزمن سجده و نیاز اولیور . مسلمانلرک بو تمنیلری ، بو آرزولری پک طبیعی در . اسلام دیاری ناسحق و نازوا غصب و استیلا ایدن ائتلاف مثلشدن هیچ بر مسلمان ایلیک کورمیدی . بو دولتلرک عهدینی ، سوزلری ، اوزلری ، سیاسیلریک و ناطقی هیچ صایان مسلمانلرک بونجه آجی تجربه لردن صوکره بردها آرتق آلدانیرلری ؟

بوکون سینما و بانوراما کی کوزمیزک اوکندن کچن وقایی برربرر خلاصه ایتمک پک مشکل و نهایت درجه ده متعسر اولدیغندن ، وقایع مذکوریه بجهلاً ذکر ایتمکی و اوکی وقوعاتی مدعیات حقه مزه شاهد مقامنده اقامه و ایراد ایتمکی دها مناسب کورییور . بناء علیه صیره ایله حکومات و ملل اسلامیة نک تشبیهاتی بورایه درج ایتمکله ، امللری ، فایه لری قارئلر مزه مرض ایتمکله اکتفا ایدرز .

ایران

باشده شاه حضرتلری بولندی حالد بوتون ایرانیلر روسلرک علیهدا ایدر . نوطلر ، خط لری ویرلمش ، آذربایجان ، زنجان ، ایران خزینه دارلری کی مسائل حیاتیة مملکت اصلاح ایدیلرک ، تبریزه والی عمومی اوله رق ایران شاهنک قارده شی ، ایرانک ولی عهدی شهزاده محمد حسن میرزا حضرتلری تعیین ایدلمش و روسلرک ایران داخلنده کی مداخلاتنه خاتمه چکیلشدر . روسیه آذربایجاندن ، ایرانک سائر نقاطندن قوای عسکریه لری کری آلتشدر . زهرانده کی روسیه سفیرنک بوش مواعیدینه حکومت ایرانیه ذره قدر اهمیت ویرمه مکده در . ایران حدو دنده یشایان قبائلک عمومی روسلر قارشو سیف انتقام ایدرک میدان کارزاره آتیمشدر . روسلردن هرکون بر قاق قازاق اولدیروب ، اسیر ایتمکده درلر . ایران اجراری قبائله قوماندانلق وظیفه سنی کورییورلر . مشهده روسلر وحشتدن کری قالمیه رق ، زواللی دین قارده شلرمزک جاننه ، مالنه ، ناموسلرینه وحشیانه بر صورتده تجاوزده بولمشدر . ایران حکومتی تدایر مقتضیه توسل ایتشدر . کندی سفیری واسطه یله پترسبورغ حکومتنه مراجعتله روسلرک مظالمته نهایت ویرلمسنی شدتلی بر لسانله طلب ایتشدر . شهر مزده مسافر بولنان ایران سفیر سابق ، علم و فضیلتیه ،

عثمانیلره اولان خیرخواهلیقه مشهر بولنان ادیب و فاضل یکنه برنس صلح ارفع الدوله میرزا رضا دانش خان حضرتلریک ایران حقنده کی مزده لری ، ایرانک پارلاق و مستقل بر آتی به مالک اوله جفتی کوسترمکده در . مشارالیهک بیاناتنه نظراً ایران شاهیه مستوفی المالك قاینه سی کال فعالیتله ایرانک سلامتق تأمین و احضار ایدمک صورتده کیجه لی کوندوزلی چالیشیورلر . ایرانک امور مالیه ، عسکریه ، ژاندارمه ، معارف ، عدلیه ، داخلیه سی دوزلمکده در . آسایش و امنیت هر طرفده حکمفرمادر . یوللر قوافل و امتعه تجاریه ایچون امین و سالم بر حالده در . مشارالیه حضرتلری ایران شاهنک تاجکذارلغنی رسماً اوروپا حکمدا لرلینه تبلیغه مأموردر . بو وظیفه سنی محاربه دن صوکره ایفا ایدمکده در . حضور جناب خلافتنهای ایله ده تشرف ایتش و فارسی لسانیه قونوشمشدر . ایران مجلس ملیسی ده همان انعقاد و تشکیک ایتمک اوزر در . ان شاء الله بوندن صوکره ایران ایله سوکیلی ایرانی قارده شلرمز فلاح و سعادت قابولری آچیق بولنه جقدر . اوتدن برو قارده ش کی کچین عثمانیلره ایرانیلر آره سنده لایفک ، لایزلزل براخوت و اتحاد قائم اوله جقدر . اختلافات ، آریلق و غیر یلق یرینه اتفاق و مودت یرلشه جکدر .

قفقاسیا ، تورکستان :

روسیه نک اداره مستبده سی آلتنده بونجه زماندن برو ایکنه مکده اولان مسلمانلر ، روسلره قارشو کرکی کی مقاومت ایدرک ، سلاح آلتنه کیرمکدن امتناع ایتشدر . روسلرک درلودرلو تضییقاتنه هدف اولمشدر . مکتوبلری آچیلیور . باره لری ذخیره لری ، دکرمنلری جبراً اللرندن آلتیور . مسکنلرینه روس یارالیلری یرلشدیریلیور . بر طرفه چیقمنه ، کیمسه ایله کوروشمک کنیدیلرینه مأذونیت ویرلیور . بوکون روسیه ده بیکلرجه تجارتخانه قیامش ، زنکین مسلمانلر ایرانه ، سائر ممالکک هجرت ایتمکده درلر . پاکوده ، چوروک صوده ، تفلیسده ، کیه فده هرکون اختلاللر ، یانغینلر حکمفرمادر . روس قازاقلری اسلام محله لرنده مسلح بر حالده کزییورلر . اسلاملرک بالجله مؤسسات دینییه ، مایه و مذهبییه لری قیاتدیرلمشدر ، سلاحلری اللرندن آلتشدر . آلمانیا لهنده بالجله روسیه مسلمانلری آره سنده بر تمایل و مودت حاصل اولمشدر . روسلر کیجه له یین یارالیلرینی کیه فده کتیروب خسته خانلره یاتیرمقده درلر . اهالی بی هرشیدن بی خبر بر اقمقده درلر . تورکستان مسلمانلرینی آلدایق و کنیدیسی مظفر و غالب کوسترمک خصوصنده کولنج و عقله صیغماز درجه ده (صدای تورکستان) غزته سیله روسیه کندی لهنده پروباغاندا یایدیرمقده در . بونکله برابر مغلوبیتی ، خسراتی مسلمانلر بیلمشدر و بوکی پروباغاندا لره ، بلوفلره قولاق اصما مقده درلر .

مصر :

مصر صولرینه طور پیلر وضع ایدرک حرب کیلرینی ده بحر احمرده ترصده مأمور ایتشدرد. بونجه تدایره رغماً قبائل عربان مصر حدودنده کندیکنارندن تحشد ایدوب ، انگلیزلی تتره نمکده درلر .

هندستان :

هندستانک بومبای ، دهلی ، مدارس ، کالکوتہ شهرلرنده کی مسلمانلر ده هیجانده درلر . عثمانلی حرب کیلرینک ضبطندن طولای اوراده کی مسلمانلر کوسمشلردرد . کالکوتہ ده کی بت پرستلر قیام ایدرک انگلیزلی ، انگلیز مأمورلرینی اولدیرمشلردرد .

(راجپوتانه) ، (جیور) قبائلی بهوپال حاکمه سنک قارده شی محمد حفیظ خانک انگلیزلر طرفندن توقیف ایدلمسندن طولای عصیان ایتشلردرد . پروپاغاندا یامق ایچون انگلیزلر هندستانده بر طاقم یکی غزتلر تأسیس ایتدیلر . تجارت بوسبوتون طور غوندر . هند پوسته سی آلمانیاک (آمدن) قرووا زوری قور قوسندن تعطیله اوغرامشدر . برمانیا پوسته سی ده اوپله احکام عرفیه اعلان ایدلمشدر . مسلمانلرله هندولر انگلیزلر عاقلنده اتفاق ایدیلر . حتی بوسنه قربان بایرامنده ، محض هندولری نمون ایتک ایچون قویون وصغیر کسمسندن صرف نظر بیل ایتشلردرد . آلمانلرک غالبیت ومظفریتلرینی انگلیزلر آلآن کیزلیورلر . حالا لیه ز نامور استعکاماتنک مقاومت ایتدکارندن بحث ایدن رویتر آژانس هندیلری آلامنه چالیشیور . هندستانه نه راجنپی ، نه مکتوب ، نه ده غزته - خصوصیه استانبولدن کوندریلن مطبوعات - کیرمیور . شدتلی سانسور وضع ایدلمشدر . قحط وغلا ، طاعون ووبا کرکی کبی حکمفرمادر . آلمان قرووا زوری هندستانی مرکون تهدید ایدوب طورییور . انگلیز کیلرینی باطرییور . بویوزدن انگلیز مطبوعاتی انکلتزه بحریه ناظری بولنان (جورجیل) شدتلی صورتده هجوم ایدیورلر .

عدن ، بربره ، صومال :

صومال اهالیسی بربره به هجوم ایله اوراده کی انگلیزلی طوغراد قدن صوکره استقلاللرینی اعلان ایدرک (ملا عباده) و (ملا محمد) ی کندیلرینه رئیس اتحاد ایتشلردرد . انگلیز قابلسنی ده کسمشدر . انگلیزلر ایسته دکلری قدر بو حقایق تکذیب ایتسونلر . بوتون صومال اهالیسی حال قیامده در .

حبشستان :

آلمانیا دن صاتون آالدینی طوپلری فرانسزلر (جیوتی) ده ضبطه قالقیشدقلری جهته حبش حکمداری کوچوب ، بالجه فرانسزلری طرد ایله مفازهلرینی یغما ایتدیردکن صوکره ، مذکور طوپلری استرداد ایتشدرد . انکلتزه وفرانسه دولتلری یا کشایش کوردکلرندن طولای ندامت ایتشلردرد .

انگلیزلرایسه بوسله بی شاشیره رق خدیو حضرتلرینی مصره کیتمکدن منع ایتدیلر . حتی استانبولده قالمسنی بیل آرزو ایتدکلرندن اسویچره ویا خود ایتالیا به کیتمسنی کندیسنه تکلیف ایتدیلر . مصر ضابطلرینی - ایکی یوز ضابطلی - سودانه نفی ایتدیلر . بوزوالیلرک یکانه قباحتلری وقوعبولان بر استیضاحه قارشو ، ایلروده انگلیزلرله عثمانیلر آره سنده بر حرب وقوع بولورسه دین قارده شلرینه قارشو سلاح استعمال ایتیه جکلرینی درمیان ایللرندن عبارتدر . عینی زمانده هندستاندن مصره کتیریلن اوتوز هندلی پی ده انگلیزلر آصدیلر . مصر عسکرلرندن قورشو - نلری آله رق اللرنده بوش تفننلرک قالمسنه بالکز مساعده ایتشلردرد . هلال احمر جمعیتی ، مصر مأمورلرینی ، ضابطانی انگلیز صلیب احمرینه اعانه ویرمکه مجبور ایتدیلر . جامع الازهری فساد اوجاغی کوسترمک صورتیه قباتدیرمق ایستدیلسده موفق اولمیدیلر . کلن کیدنلری بوقلا یورلر . فضله یاره لرینی آلوب کندیلرینه کونده لک ویریورلر . یانلرنده آلمانجه وتورکجه غزته بولنانلری حبس ایدیورلر . اسکندریه ومصرده بیکلرجه خفیه تعیین ایدرک خلقتک اسرارینی ا کلامغه غیرت ایدیورلر . هر سنه مصردن حجازه کوندریلن محمل شریفک اعزامنه ، مصر حجاجنک حجازه کیتملرینه یوللرده آسایش مفقوددر دیه نمائنده بولندیلر . بونکله برابر آز قربان کسمک ایچون مصر هلامسندن ساخته قسوا آلدیلر . ده ها طوغریسی شرعی فتوالری تحریف ایتمکدن چکنمیدیلر . مصرده کی آلمانیا وآوستریا تبعه لرینه ایستدکلری فنالقلری یادیلر . یکی استقراض عقیدینه ، خزینه اسهامی چیقارتمنه حکومت مصریه بی تشویق ایدوب ، باب مالینک ، حقوق مقدسه عثمانیه ناک آباق آلتنه آلمسندن اندیشه ایتدیلر . سویس قتالی بونجه استعکامات انشا ایدرک ، قتالک اورته سنه ترصد ایچون بر حرب کیمسی تعیین ایتدیلر . قتالی آلمان وآوستریا کیلرینه قارشو قباتدیلر . وکیل سیاسیلری کندی اسم کوننده زیارته کلن مسلمانلری تهدید ایتمکدن چکینما مشدر . بو کون بیکلرجه خلق ایشسز ، کوجسز قالمشدر . زوالی ایشسزلره سرسری معامله سنی تطبیق ایله آنلری مصردن خارجه تبعید ایتشدرد . تراموایر ، شمندوفرلر ، باقهلر تعطیل اولمشدر . هر سنه قیش موسمنده مصره بیکلرجه سیاح کلیرکن بوسنه کیمسه کله مش ومملکت بحران اقتصادی به دوچار اولمشدر . قحط وغلا بر طرفدن ، ایشسزک دیکر طرفدن - انگلیزلرک مظالمی شویله طورسون - اهالی بی بتیرمشدر . هر کون یغمالر ، اختلالر اکسیک دکلدرد . مصرده مستخدم بولتوب ، میدان حربه کوکلی کیتمک ایستین انگلیزلره اوچر آی مأذونیت استحصال ایلدیکی کبی ، آیلقلرینی ده بروجه پشین ویردیرمشدر . احکام عرفیه ایله حکومت عسکریه بی اعلان ایدرک ، مصر قایینه سنک الندن ایشلری آلمش ، کندی ضابطلرینه زمام اداره بی تسلیم ایلشلردرد .

آمریکا :

عثمانی حرب کیمیرینک ضبطندن طولای ناخشنود اولان امریکا مسلمانلری نیویورق شهرنده بر متینغ ترتیب ایدوب انکلیز لک قانون شکنانه وجبارانه اولان بو معامله سنی شدتله پروتستو ایدرک ، شکایات واقع لرینی تلغرافله اوروپا سیاسی مجموعه لر یله بیطرف دولتره وعالم اسلامه کوندرمشلردر .

رومانیا

بالتان حکومتی دولت علیه علیهنده آیاقلاندیرمق ایچون برانکلیز حرب کمیسله مأموریت مخصوصه یی حائر اولان باقستون برادرلری بکرشده بر غیور مسلمان یارالامشدر . بویکی اسلام خانی ، اسلام دشمنی قدردنلر ایوم فراش اضطراب ایچنده یوارالانمقده درلر . بونلره بک ایی بردرس عبرت ویرن کنج مسلمان (رجب) و یاخود (حمن تحسین) نامنده برقه رماندر . بوکنج صرف حسیات اسلامیه یله آنلره بردرس ویرمک ایسته دیکنی یوزلرینه قارشو سوبله مکدن چکنمیه رک حیتلی برمسلمان اولد یغنی جهانیه اثبات ایتشدر .

کرید

یونان حکومتی کریده کی مسلمانلرک سلاحلریله ، پاره لرینی ضبط ایتدکن صوکره انجق هجرتلرینه مساعدده ایدیور . اوراده کی روملرک ایسه متعدد سلاحلری بولندیغنی حالده یالکز بریسی اللرندن آلمشدر . حربک صوکنه قدر آلتون پاره کرید آله سندمه قالمایدر دیه مسلمانلره بش لیرادن زیاده یانلرنده بولندیرمنه - طبیعی مفارقت ایدرکن - مساعدده ایتیور . بوزوالیلرک چوغی ازمیره کلشدر .

افغانستان :

افغانستان حاضردر . عسکرلرینی تورکستان و هندستان خدودلرینه تحشید ایتشدر . قوماندانلرینی حدوده کوندرمشدر . مهمات هر طرفه سوق ایدلمکده و یارالیره عندالحاجه باقو ایچون طیبیه وصیه تشکیلاتی ا کال ایتشدر . افغانستان حدودنده کی قلاع واستحکامات تحکیم ایدلیدیکی کبی ، یکیدن طابیهلر وجوده کتیرلمکده در . امیر ایله اوغنی بالذات تحشیدات و قنیشاته نظارت ایتمکده درلر . افغان قبائلنی کاملاً امیر حضرتلری تسلیح ایتشدر .

افغان غزته لرینک اشعاراته نظرأ افغانستانک هر طرفنده وباخصوص با تحت مملکت اولان (کابل) ده فوق العاده فعالیت عسکریه حکم فرمادر . افغانستانک هر طرفی برادر دوکاه شکنی آلمشدر . آوروپا محاربه عمومیه سی مناسبتیه افغانستان دولتی فوق العاده تداییر عسکریه په مراجعته مجبور اولمشدر . عموم افغانستان قوای عسکریه سی

باش قوماندانلغنه افغانستانک ال مقتدر و مشهور امرای عسکریه سندن محمد نادر خان تعیین ایدلمشدر . صوکه درجه فعال اولان بو ذات باش قوماندانلغنی درعهده ایدلیدیکی کوندن اعتبارأ افغانستانک هر طرفنده فوق العاده فعالیت باشلامشدر . سفر برحاله وضع اولنان بالجله قطعات کیجه لی کوندوزلی تعلیملره و مانوره لره باشلامشدر . باش قوماندان محمد نادر خان هر کون بر قضاة عسکریه یی قنیش ایدوب مانوره بایدیرمقده در . (کابل) شهری وجواری غایت مهیب براردوگاه حالی آلمشدر . کوندوزلری بوتون شهر افغان آلایلری باندولرینک ترناتندن اهتزاز ایلکده و تعلیم ایچون آتیلان طوب و تفک سسلرینک آرقه سی کی یلمه مکده در .

« ده یلی تلغراف » غزته سنک شخبری طرفندن ویریلن معلوماته کوره بوتون بلوچستان قبائلی خصومت سابقه لرینی اونوته رق سلاحلریله برلکده افغان اردوسنه التحاق ایتشلردر . ایراندن کابل کله کن برقاچ مجتهد ، روسلر طرفندن اعدام ایدیلن مجاهدلرک برابرلرنده کتیردکاری قائل کوملک لرینی یوکسک محالره آصه رق خلقه بک مهیج نطقلر ایراد ایتشلردر . افغان امیری حبیب الله خان حضرتلری ، بو فجع احوالدن بک متأثر اوله رق اردونک عنایت حقله روس وانکلیز لردن بوتون اسلام انتقام لرینی آله جفنی بالذات بیان ایتشدر . واعظلر ، خطیبلر هر طرفه اهالی یی اتحاد اسلامه دعوت ایدیورلر . افغانستانده کی بوغلیان و هیجان روسلری فوق العاده تدهیش ایتشدر . بوسبیله روسیه حکومتی افغان حدودنده تداییر عسکریه په مراجعت مجبوریتده قالمشدر .

هر سنه ترکستان روسیه کلکده اولان افغان تاجرلرینی توقیف ایتش ، حدودک اوتیه طرفه کوندرمشدر . حدود جوارنده روسلر عظیم مقدارده بارکیز ، دوه وسائر حیوان تدارک ایتمکده درلر .

چین :

مغولستانی چیندن آیروب کندی تحت حمایه سنه آلان روسیه په قارشو چینده ده بویوک بر حرکت کورولمکده در . محاربه عمومیه چینک نظر انتباهنی آچش وفرصتدن بالاستفاده مغولستانده کی حقوقی استرداد تشنه سوق ایتشدر .

(پکین) دن روس غزته لرینه اشعار اولندیغنه کوره چین حکومتی مغولستان مجلس ملیسنه مغول حکومتک استقلالنه نهایت ویره جک بر لایحه قانونیه تبلیغ ایتشدر . بولایحه موجبجه مغولستان حکومتی مرکز اداره سی (اورغا) شهرنده کی چین مأمور سیاسی سندن مساعدده مخصوصه استحصال ایتمکسزین دول اجنبیه دن هیچ بریله معاهدات و مقاولات عقد ایدمه جک ، فیابعد « مغولستان حکومتی » و « مغولستان وکلاسی » کبی تعیرلر اصلاً استعمال ایدلمیه جک ، مغولستان عسکرلرینی تسلیح ایدن روس ضابطانی اخراج اولنوب برلرینه منحصرأ چین

مرحوم شهبندر زاده حلمی بك

عثمانی متفكر لرینك كزیده لرندن اولدیغنی آثار قامیه سیله اثبات ایتیش اولان شهبندر زاده احمد حلمی بك كتاب حیاتنك صوك كهمنی یازمیشدر. جناب حق مظهر غفران بیورسون.

مشارالیه مشروطیتك اعلانی متعاقب منقاسندن استانبوله کلهرك یومی غزته لرله نشریاته باشلامش، متعاقباً «حکمت» نامیه بر غزته امتیازی آلوب بونکله مهم، موجب استفاده بر جوق مقالات سیاسیة و علمیه نشر ایلدیکی کبی متین بر قلم و خالص بر یوره کلهده اسلامیتی، حقوق اسلامیة مدافعه ایشدر. مرحومك کندینه مخصوص براسلوب لطیف، محاکات علمیة و منطقیه سنده اصابتی وار ایدی.

حلمی بك بر آراق دارالفنونه فلسفه درسی ده ویرمش ایدی. مرحوم علم و فضیلتیه مشتهر، صحیح الاعتقاد، درویش مشرب بر فیلسوف ایدی. هنوز کنج دینه جک بر سنده ارتحالی مملکتیز ایچون ضایعاتدن معدود اولق لازم. کایر جناب حق کدیسنه رجعت، اقارب و خویشاانه صبرجیل احسان بیورسون.

آثار منتشره:

«خاور، غزته سی»

فارسی لسانیه انتشار ایتکده اولان (خاور) غزته سنک یدنجی نسخه سی انتشار ایتدی. باش مقاله سیله حوادنلری جدآ فارسی لسانیه آشنا اولانلر ایچون شایان استفاده در. هله عالم اسلامه دأر اولان خبرلری اك طوغری منابع و مأخذدن اقتباس ایدلمشدر که، صحته دییه جک یوقدر. رفیق مزك مسلسکی، سیاستی اسلامی بر سیاست اولوب بالجله مسلمانلرک شئونانندن بحث ایتدیکی کبی ملل و دول اسلامیة نك حقوقی ده مدافعه سیله صوك درجه بذل غیرت ایتکده در.

بومهم مسلمان غزته سنک مطالعه سی فارسی تحصیلیه اشتغال ایدن عموم طایفه علومه بالخاصه توصیه ایتکی وجیه دن عد ایلر.

اخطار

سبیل الرشادك شیه دیاله اون بش کونده برنشرینه دوام اولمقده در. آکونه بدلاتندن طولانی اولان اهمیت سز بورجلرینی ممکن اولدیغنی صورتده بوکونلر ده نسویه همت ایتکله لازم کلهجکی تقدیر یورملرینی قارئین کرامدن رجا ایدرز.

اون ایکنجی جلدك نهایی

محمد قیاسی

۱۳۰۵/۵/۳۵

ضابطانی استخدام ایدیلجک و غولستانده لزومی حالنده چین قوای عسکریه و اشغالیه سی بولنه جقدر. منقول مجلس ملیسنک چین حکومتک لایحه سی خواه ناخواه قبول ایده جکی شهبندر. بو صورتله چین حکومتی روسیه قارشى علناً میدان او قویور.

تونس:

تونس احوالی ده کوندن کونه کسب و خامت ایتکده در. اهالی بوبوک بر سفالت و هیجان ایچنده چیریشیور. فرانسلرلر ده محاربه نك بدایتنده بوتون مملکتك کنج لرینی طویلادیلر، محاربه یه سبق ایتدیلر. آلمانلرک مدهش طویلری آلتنده محو اولوب کیتکده اولان بو زوالی قویون سوریلرینک ابویلری درین بر حدت و غضب ایچنده فرانسلر قارشى دیش بیلرورلر. مسئله نك و خامت کورن فرانسلر تدابیر انضباطیه یی کوندن کونه تزید، تعقیبات ضابطیه یی تشدید ایدیورلر. بوحالده آریجه حدت و غضبی موجب اولیور. حتی بو یوزدن (بیزرطه) ده بر عصیان ظهور ایتدی. بیزرطه ده طویلانان مسلمان عسکرلری فرانسه یه کیتمکدن امتناع ایشلر، ضابطلری علیه قیام ایشلر، حتی ضابطلرینه ایجه بر دایاق ده آتیشلر در. فرانسلر شیمدی یه قدر نفس تونس شهرندن عسکر آلازکن اورادن ده عسکر آلمغه تشبث ایدرلر. اهالی غلیانه کلیر. اشراف مملکت شدتلی اعتراض ایدر. اوتوده بری ده عصیانلر ده ظهور ایتیه باشلا یجه حکومت بوندن واز کچمکه مجبور اولور. بویله جه تونس ده برهیجان و غلیان فرصته انتظار ایتکده در.

..

خلاصه بوکون عالم اسلام بك متبجح بر حالده بولمقده در. مظالمه، انواع فلاکتله اوتهدن برو دوجار اولان اهل ایمان آرتق تخلیص کریان ایتک ایچون وار قوتلرینی بازویه ویردک، ظالملرله حریت و ناموسلری اوغورنده نجه لشمکده، اوغراشمقده درلر. منتقم حقیقی اولان جناب رب العالمین انشاء مسلمانلری یارلاق بر استقباله مظهر ایده جکدر.

هپ او یانه لم، سوبشلم، اوپوشلم. اغبرارلری، اختلافاتی، آریقلری بر طرفه آتوب قوجا قلاشلم، بربرمزی عفو ایدلم. تا که رب غفور، قادر متعال بزی طریق سعادت و نصرته سوق ایتسون، آمانلره میسر ایتسون. بوندن باشقه چاره مز قالمشدر. چونکه آریلق فلاکتدر. آریلانی دشمن یاره لار.

اللهم یا محول القلوب والاحوال حول حالنا الی احسن الحال آمین.